

## REGULAMENTO DE PRÁCTICAS ACADÉMICAS EXTERNAS

### Obxecto do presente regulamento

O obxecto deste regulamento é establecer as normas para a realización, asignación de titores, elección de centros e avaliación das prácticas académicas externas (PAE) do alumnado do *Máster en Valoración, Xestión e Protección do Patrimonio Cultural* pola Universidade de Vigo.

### 1. Aspectos xerais

**Art. 1.** De acordo coa planificación docente do *Máster Universitario en Valoración, Xestión e Protección do Patrimonio Cultural* pola Universidade de Vigo, que se axusta ao RD 592/2014, é requisito indispensable para a consecución do título a realización de prácticas académicas externas cunha carga docente de 6 créditos ECTS.

**Art. 2.** As prácticas académicas externas (PAE) deberán realizarse no marco do convenio de cooperación educativa suscrito entre as distintas entidades colaboradoras e a Universidade de Vigo para o desenvolvemento dun programa de prácticas profesionais dos/das estudantes do *Máster en Valoración, Xestión e Protección do Patrimonio Cultural* pola Universidade de Vigo.

**Art. 3.** As prácticas realizaranse preferentemente de modo presencial, aínda que se terá en conta tamén a posibilidade de que se fagan tanto a distancia, a través da modalidade en liña, coma de forma semipresencial.

**Art. 4.** A Comisión Académica do Máster (CAM) aprobará os contidos do proxecto formativo en que se concreta a realización de cada práctica académica externa, incluídos os obxectivos educativos, tendo en conta as competencias que adquirirá o estudantado e as actividades que desenvolverá. O proxecto formativo definirase de forma que asegure a relación directa das competencias adquiridas cos estudos do Grao.

**Art. 5.** A CAM estimulará a búsqueda de empresas, institucións e entidades públicas e privadas de ámbito nacional e internacional, que a través da realización de PAE permitan ao alumnado alcanzar unha mellor cualificación e futura adaptación aos postos de traballo demandados polas empresas do sector. No curso virtual da materia Prácticas en MooVi e na páxina Web do Master, o alumnado poderá consultar unha selección de centros cos que existe convenio en vigor ou

nos que xa realizaron prácticas con anterioridade.

O alumnado poderá presentar unha nova proposta de prácticas que deberá incluír unha declaración de interese por parte da entidade colaboradora implicada (*impreso D.1. Ficha de empresa*). A CAM valorará a proposta e, en caso de aceptala, a coordinación iniciará a tramitación do correspondente convenio de colaboración.

**Art. 6.** Cada entidade colaboradora designará a un titor/a que se encargará do seguimento das prácticas, impulsará a súa realización e emitirá informe sobre o seu contido e avaliación seguindo o procedemento descrito no artigo 11 deste regulamento.

**Art. 7.** En cada práctica elixirase un profesor da universidade para que actúe como titor/a académico das PAE vinculadas temáticamente a él.

## **2. Asignación de entidade colaboradora, tema e titores.**

**Art. 8.** A CAM habilitará os medios necesarios para prover a todo o alumnado dunha entidade colaboradora en que realizar as PAE.

O estudantado non poderá manter vinculación contractual coa entidade na que solicite as prácticas. Excepcionalmente, sempre que non se poida recoñecer a partir da experiencia laboral, que a/o estudante ocupe un posto diferente a aquel para o que está contratado e que as prácticas se realicen fora do horario de traballo, a CAM poderá autorizar a realización das prácticas na mesma empresa ou institución.

**Art. 9.** O coordinador/a da materia *PRÁCTICAS* será responsable da tramitación ou renovación dos convenios de cooperación educativa coas entidades colaboradoras antes do inicio das PAE.

**Art. 10.** O coordinador/a da materia *PRÁCTICAS* será responsable da asignación dos alumnos/as ás entidades colaboradoras para a realización das PAE. A temática do traballo a desenvolver no marco das PAE deberá axustarse aos obxectivos xerais do máster e en concreto ás competencias do Módulo IV.

Tralo inicio do curso académico, o coordinador/a da materia *PRÁCTICAS* publicará na plataforma docente a lista de centros cos que exista un convenio docente e as liñas de traballo que ofertan. Antes do 1 de decembro, o alumnado realizará a elección de tres centros, priorizándoos, e comunicará esta elección mediante o envío ao coordinador/a da materia *PRÁCTICAS* do impreso "*Elección de centro de prácticas*". No caso de que as solicitudes superen o número de prazas ofertadas para un mesmo centro, a asignación final corresponderá á Comisión Académica.

De conformidade co 2c do artigo nº 13 do Regulamento de Prácticas

Académicas Externas da Universidade de Vigo, aprobado en Consello de Goberno o 29 de abril de 2021, no procedemento de elección e adxudicación de prácticas, sempre que nas entidades colaboradoras estean aseguradas tanto as medidas de accesibilidade universal coma as referidas ao transporte para o traslado do estudiantado, neste procedemento outorgaráselle prioridade ao estudiantado con discapacidade.

Aqueles alumnos/as que así o desexen poden solicitar a convalidación das prácticas, presentando o impreso "*Solicitud de convalidación de prácticas*". As e os estudantes que desexen solicitar o recoñecemento de prácticas extracurriculares sen cualificación, proxectos de voluntariado ou experiencia profesional que se axusten á temática do Máster poderán facelo entregando o impreso "*Solicitud de recoñecemento de créditos de Prácticas*".

**Art. 11.** Unha vez asignados os centros de prácticas o coordinador/a da materia *PRÁCTICAS* cumprimentará e enviará ao titor/a académico o impreso *Anexo I. Condicións da práctica académica externa*. Unha vez asinado polo/a titor académico, polo/a alumno/a e mais polo titor/a da entidade colaboradora, remitirase un exemplar ao coordinador/a da materia *PRÁCTICAS*.

### 3. Período de prácticas

**Art. 12.** As PAE desenvolveranse preferentemente no período fixado para esta materia no horario oficial, pero en casos excepcionais poderán realizarse en calquera outro período do curso académico se as actividades a desenvolver así o requiren, sempre e cando non interfiran nas actividades formativas e responsabilidades do alumno/a e finalicen antes do 31 de agosto.

**Art. 13.** O número de horas de prácticas académicas externas será de 150 horas, repartidas entre 140 horas presenciais e 10 horas preparatorias. As prácticas desenvolveranse nunha xornada laboral de acordo coas súas características e a dispoñibilidade da entidade colaboradora.

Art. 14. O estudiantado deberá cumprir con polo menos o 85% da duración prevista no plan formativo. No caso de ausencias prolongadas, as prácticas poderán suspenderse temporalmente ou rescindirase.

Art. 15. Se a realización da práctica esixise a necesidade de desprazarse fora das instalacións da entidade colaboradora, deberá indicarse no proxecto formativo. No caso de que o estudiantado teña

que realizar otros desprazamentos, estes deberán ser autorizados pola persoa titora académica.

## 4. Avaliación das prácticas

**Art. 16.** Finalizado o período de PAE, o titor/a do alumno/a na entidade colaboradora remitirá ao titor/a académico o informe de valoración utilizando o impreso *Anexo IV. Informe do titor/a da empresa ou entidade*.

**Art. 17.** Pola súa parte, o alumno/a deberá tamén remitir ao titor/a académico o impreso *Anexo VI. Informe do/a estudante* e a *Memoria Final de PAE*. A Memoria Final de Prácticas axustarase en extensión e contidos ao modelo que se facilitará na plataforma docente.

**Art. 18.** Unha vez recibidos os informes de valoración e a Memoria Final de Prácticas, o titor académico será o responsable de emitir a valoración final das prácticas, utilizando os impresos *Anexo V. Informe titor/a académico* e *Anexo X. Certificado de realización das prácticas externas*, en base aos seguintes parámetros:

1. Análise da valoración global do titor/a da entidade colaboradora, recollida no impreso *Anexo IV*.
2. Avaliación da *Memoria Final de PAE* enviada polo alumno/a.

Os criterios de avaliación, cualificación e ponderación de cada parámetro (informe e memoria) publicaranse cada curso na guía docente da materia.

**Art. 19.** O coordinador/a da materia *PRÁCTICAS*, recibidos debidamente cumprimentados os Anexos IV, V, VI, e X, será o responsable de cubrir as Actas coa cualificación final outorgada polo titor/a académico, con puntuacións comprendidas entre 0 e 10 e con posibilidade de incluír decimais.

## DISPOSICIÓN ADICIONAL

Para todo aquilo non previsto neste regulamento, estarase ao disposto no Regulamento de Prácticas Académicas Externas da Universidade de Vigo, aprobado en Consello de Goberno o 29 de abril de 2021 e demais normativa concordante.

[Regulamento aprobado pola CAM na súa reunión do 15/07/2022 e refrendado pola Xunta de Centro na súa reunión do 27/07/2022]